

香芳

復興 陳秋貴

五月五，龍船鼓佻跋步，猶有好食的肉粽佻插菖蒲；毋閣，我上數念的猶是阿母的手路——紮香芳。

會記得，細漢的時，阮庄裡的囡仔，佇五日節咧比評的，毋是啥兜的肉粽較好食，較大粒，因為彼對囡仔來講無啥意義，食會飽就好，肉粽攏仝款，毋閣，香芳著無仝囉！

阮庄裡，有一个風俗，就是查某囡嫁出去的頭一冬，佇五日節進前，後頭厝著愛款五、六縮香芳，送去予新娘，一縮差不多有二十个香芳，遮的香芳欲創啥用？欲予新娘通送予厝邊頭尾的囡仔，會當講是做公關用的啦！聽講提到這種香芳的囡仔，會加足好育飼，嘛較gâu大漢。

為著欲表示家己較有人緣，阮這陣囡仔攏會想盡辦法去得到新娘的香芳，實在無法度提到的時，阮會拜託阿母去佻人討，因為這是面子問題，袂使輸一人。

抑若附近無人嫁娶，毋就攏免矣！才無咧！彼陣就是我展風神的時機到矣！因為阮阿母真gâu做裁縫，我就會拜託伊做幾個仔予我，別人無，我有才會tshia颯。

阿母就會款寡無仝色水的細塊綢仔布，棉仔佻紅紗線，閣去中藥房買一寡芳料，伊會先共綢仔布裁剪予好，每一塊的型攏無仝，才閣共棉仔搵芳料，攢入去綢仔布內底，紮落

來共紿予好勢。

阿母的手藝真好，會當做出足濟種足濟種無仝款的香芳；有茄仔、金瓜、肉粽、土豆、雞仔、虎仔--，每一種的型恰色水攏真嬌，伊講：「揸茄會 tshio 越，揸豆會食甲老老老，揸金瓜一瓣一瓣，財產就會千千萬萬，揸虎會予你較猛虎，揸雞會予你 gâu 起家」，總講一句，阿母做予--我的香芳，攏有伊的意義存在。

細漢的時，伊攏會那唸寡好話，那共香芳掛佇我的胸前，印象中，我上愛的是茄仔型的香芳，雖然金瓜型的香芳金熠熠，閣用紅紗線縛甲一瓣一瓣，下面 tsú 一葉青色的葉仔看起來誠嬌、誠顯目；毋閣茄仔看起來幼秀幼秀，金滑金滑，造型古錐，佇茄仔的頂懸猶有一葉青色的蒂頭，用紅線穿過，揸起來，會佇胸前越咧越咧誠趣味，莫怪阿母會講：揸茄予你 gâu tshio 越。虎仔型的香芳，額頭會有一字大大的“王”字，黃色的身軀頂有一逝一逝的虎紋，看起來誠猛勇的款，肉粽型的香芳予人有一種飽滿的感覺，雞角型的香芳，頭殼頂戴著一塊紅色的雞冠，雞尾插各種無仝色彩的雞毛，嬌噹噹，看起來威風凜凜。

人講：惜花連盆，疼囡連孫。自我結婚生囡了後，每一年的五日節，阿母一定會親身揸一綰香芳來送予孫，彼是伊

掛一付老人目鏡一針一線慢慢仔紮出來的，看著孫仔咧搯香芳的時，伊就歡喜甲喙笑目笑；因為彼有伊的向望佢祝福，伊向望每一個囡孫仔攏會當好育飼、食百二。毋閣，對香芳針甯的粗幼，我看著歲月的流失，嘛煩惱佇心底；因為阿母的目 tsiu 愈來愈 su 矣，香芳嘛愈紮愈粗。

無阿母的五日節，我佇街一裡，覘來覘去，想欲找揣我囡仔時的記持，看到的攏是紅色的肉粽香芳，無黃色的虎仔香芳、金色的金瓜香芳、茄仔色的茄仔香芳、塗色的塗豆香芳佢七彩的雞角仔香芳，紅色的肉粽香芳，無阿母的疼心佢愛心，無我思思念念的彼種芳味，我有一種失落的感覺；因為 he 毋是我欲捏的。香芳啊！香芳！你引起我想著阿母對阮的疼痛，佢層層疊疊的數念。

。